

KINGDOM WOK BLONG YUMI

OGIS 2012

WIK WE I STAT LONG OGIS 13

Singsing 63 Mo Prea

❑ Baebol Stadi Blong Kongregesen:

gt japta 101 (25 minit)

❑ Skul Blong Trenem Yumi Blong Tij:

Baebol riding: Esikel 28-31 (10 minit)

N. 1: Esikel 28:17-26 (no bitim 4 minit)

N. 2: ?Wanem Tijing We i Tru Mo Wanem Tijing We i Giaman Long Saed Blong Jisas? (5 minit)

N. 3: ?Wanem Ol Vas We Oli Pulum Ol Kristin Blong Oli
No Joen Long Politik?—rs-E pej 273 ¶12-pej 274 ¶1; rs-F
pej 267 ¶1-5 (5 minit)

❑ Miting Blong Kingdom Wok:

Singsing 115

5 minit: Ol mesej.

10 minit: Putum Fandesen Blong Go Luk Man Baken-
gen. Tok wetem sam kwestin mo ansa. Yu save askem ol
kwestin ya: (1) ?Taem yu prij long wan man, from wanem
i gud yu mekem rod blong kambak luk hem, olsem we
yu putum fandesen blong bolidim wan haos? ?Mo yu save
mekem samting ya olsem wanem? (2) Taem yu tingbaot
wan kwestin we yu wantem tokbaot wetem man long ne-
kis taem we yu kambak, ?olsem wanem blong jusum wan
kwestin we i stret long man ya? (3) ?From wanem i gud
yu talem stret taem we bambae yu kambak, mo from wa-
nem i gud blong askem namba blong mobaelfon blong
hem? (4) ?From wanem i gud blong gobak kwiktaem,
maet afta long sam dei nomo? (5) ?Afta we yu prij long
man, wanem sam samting we yu mas raetemdaon?

10 minit: Singaot wan no tu fultaem paenia i kam an-
tap long stej blong yu askem kwestin long tufala. ?Wanem i
givhan long tufala blong statem wok ya? ?Wanem sam
samting we i traem blokem tufala blong tufala i no
moa gohed long wok ya? ?Wanem i givhan long tufala
blong gohed nomo? ?Wanem blesing we tufala i kasem?
I gud yu pulum tingting blong ol brata mo sista blong
oli tingbaot wok ya blong fultaem paenia. Maet sam long
olgeta oli save statem wok ya long niufala seves yia we i
stap kam.

10 minit: "Yu Mas Lukaot Gud Long Tingting We i Save Jajem Yu." Kwestin mo ansa. Talemaot stret dei
blong asembli blong wan dei, sipos yufala i save finis.

Singsing 65 Mo Prea

Yu Mas Lukaot Gud Long Tingting We i Save Jajem Yu

¹ Evri dei, yumi stap fesem plante samting we oli pu-
lum yumi blong yumi no moa lesin long tingting blong

1. Long niufala seves yia blong 2013, ?wanem nem blong
asembli blong wan dei? ?Asembli ya bambae i givhan
long yumi olsem wanem?

yumi we i save jajem yumi. Taswe long seves yia 2013 we
i stat long Septemba 2012, asembli blong wan dei i ka-
rem nem ya se "Yu Mas Lukaot Gud Long Tingting We i
Save Jajem Yu." (1 Tim 1:19) Tingting ya we i save ja-
jem yumi, hem i wan nambawan presen we God i givim.
Asembli ya bambae i givhan long yumi blong tingbaot
se yumi stap yusum presen ya olsem wanem.

2 Traem Faenem Ansa Blong Ol Kwestin Ya: Long
asembli ya bambae yumi kasem ansa blong seven im-
poten kwestin long saed blong tingting we i save jajem
yumi:

- ?Wanem sam samting we oli save mekem se tingting
blong yumi i no moa jajem yumi?
- ?Yumi save mekem wanem blong trenem tingting
blong yumi blong i lidim gud yumi?
- ?Yumi save mekem wanem blong bambae yumi no
gat fol taem rabis man i lus?
- Taem yumi mas mekem wan desisen we Baebol i no
talem wan loa long hem, nao yumi tingbaot ol stam-
ba tijing blong Baebol mo yumi folem, ?samting ya i
soemaot wanem?
- ?Yumi save mekem wanem blong yumi no spolem
tingting blong narafala?
- Ol yangfala. ?Yufala i save mekem wanem blong sta-
nap strong taem ol narafala oli agensem yufala?
- ?Wanem ol blesing we yumi kasem taem tingting
blong yumi i pulum yumi blong mekem ol samting
we tabu spirit i wantem?

³ Setan i traem plante samting blong mekem we ting-
ting blong yumi i no moa jajem yumi. Be Jehova i save
givhan long yumi blong winim Setan. Jehova i Papa
blong yumi long heven, mo hem i lavem yumi tu-
mas. Taswe hem i givim Baebol mo ogenaesesen blong
hem, blong talem long yumi se: "Hemia rod. Yufala i
folem." (Aes. 30:21) Long asembli ya, bambae Jehova
i talem long yumi rod blong folem. Taswe i gud yumi
mekem plan naoia blong stag long asembli ya blong le-
sin long olgeta tok blong hem. Yu mas lesin gud mo
traem tingbaot se yu save mekem ol tok ya i wok long
laef blong yu olsem wanem. Taem yu stap wetem famle
blong yu, i gud yufala i tokbaot ol samting we yufala i
harem long asembli ya. Sipos yumi traehad blong folem
ol samting we yumi lanem, bambae yumi strong moa
blong 'mekem ol stret fasin we tingting blong yumi i
klin gud.' Bambae yumi no save letem ol samting blong
rabis wol ya blong Setan i trikim yumi nao yumi lusum
rod.—1 Pita 3:16.

2. ?Wanem ol impoten kwestin we bambae yumi faenem
ansa blong olgeta long asembli ya?
3. ?Asembli ya bambae i givhan long yumi olsem wa-
nem?

WIK WE I STAT LONG OGIS 20

Singsing 83 Mo Prea

❑ Baebol Stadi Blong Kongregesen:

gt japta 102 (25 minit)

❑ Skul Blong Trenem Yumi Blong Tij:

Baebol riding: Esikel 32-34 (10 minit)

N. 1: Esikel 34:15-28 (no bitim 4 minit)

N. 2: ?Wanem OI Vas We Oli Pulum OI Kristin Blong Oli No Joen Long OI Seremoni Blong Lef-temap Wan Kantri?—rs-E pej 274 ¶2-pej 275 ¶3, rs-F 268 ¶1-pej 269 ¶1 (5 minit)

N. 3: ?From Wanem OI Toktok Nomo Oli No Me-kem Se OI Prea Oli Dip?—Sam 145:18; Mat. 22:37 (5 minit)

❑ Miting Blong Kingdom Wok:

Singsing 76

5 minit: OI mesej.

10 minit: *Taem Man i Talem Se: 'Mi Mi Ting Se OI Man Nogud Bambae Oli Bon Long Helfaea Blong Olwe.'* Wan tok wetem sam kwestin mo ansa we i stanap long smol buk ya *Statem Wan Storian*, pej 20 kasem pej 24. Yu save singaot tu brata no sista i kam, blong tufala i soemaot olsem wanem blong ansa long man we i talem tok ya.

10 minit: *Yumi Mas Leftemap Tingting Blong Yumi.* (Hib. 10:25) Wan tok wetem sam kwestin mo ansa, we i stanap long 2012 Yearbook, pej 108 haf 2, mo pej 109 haf 2, mo pej 181 haf 1. Yu askem long ol brata mo sista blong oli talem wanem samting we oli lanem.

10 minit: *Yu Mas Lukaot Gud Long Maen Blong Yu.* Kwestin mo ansa. Yu save talemaot we-taem stret bambae yumi mekem asembli ya blong tu dei, sipos yu save finis.

Singsing 70 Mo Prea

Yu Mas Lukaot Gud Long Maen Blong Yu

¹ Jisas i talem long ol disaepol blong hem se oli mas lavem Jehovah long olgeta hat blong olgeta, mo long olgeta laef blong olgeta, mo long olgeta ting-ting blong olgeta. (Mat. 22:37, 38) Long yia ya, asembli blong wan dei, mo asembli blong tu dei, mo asembli blong tri dei, oli blong givhan long yumi blong yumi kam gud moa long ol tingting mo fas-in blong yumi. Ating yu tingbaot stamba tok blong asembli blong tri dei, se: "!Yu Mas Lukaot Gud Long Tingting Blong Yu!" Long yia 2013, stamba

1. ?Wanem stamba tok blong asembli blong tu dei long yia 2013? Asembli ya bambae i givhan long yumi olsem wanem?

tok blong asembli blong wan dei i olsem: "Yu Mas Lukaot Gud Long Tingting We i Save Jajem Yu." Mo asembli blong tu dei we bambae i kamaot long yia 2013, stamba tok blong hem se: "Yu Mas Lukaot Gud Long Maen Blong Yu." Stamba tok ya i stanap long Matiu 22:37. Asembli ya i blong givhan long yumi evriwan blong yumi jekem gud ol samting we yumi stap tingbaot, nao yumi save mekem sam jenis blong Jehovah i glad moa long yumi.

2 ?Wanem Save Bambae i Kamaot? Taem yumi lesin long asembli ya blong tu dei, yumi mas lukaot ansa blong ol kwestin ya we oli soemaot ol bigfala tingting blong asembli ya:

- ?Yumi save mekem wanem, blong yumi no gat "tingting blong man nomo"?
- ?Yumi save mekem wanem blong karemaot samting we i stap blokem tingting blong ol man, ol-sem we kaliko i blokem ae?
- ?Wanem tingting we yumi mas gat?
- ?Taem yumi tingting dip, wanem gudfala samting i kamaot?
- ?Yumi mas mekem wanem blong yumi letem Je-hova i jenism tingting blong yumi?
- ?OI man mo woman we oli mared, mo ol papa mo mama, mo ol pikinini, oli save mekem wa-nem blong famle i glad moa?
- ?Yumi save mekem wanem blong yumi rere from dei blong Jehovah?
- Mekem tingting blong yumi i rere blong wok, ?hemia i minim wanem?
- Taem man i mekem ol samting we hem i lanem oli wok long laef blong hem, ?wanem gudfala samting i save kamaot?

³ Setan i stap faet agensem yumi, blong i traem kam bos long tingting blong yumi, mo blong i spo-lem gudfala tingting we yumi gat. (2 Kor. 11:3) Tas-we, yumi mas bos long tingting blong yumi, mo yumi mas blokem Setan. Yumi mas gohed blong soemaot tingting blong Kraes, mo yumi mas agen-sem ol tingting blong rabis wol ya we oli save pulum yumi. (1 Kor. 2:16) Taswe, yu mas mekem plan, blong yu stap long tugeta dei blong asembli ya. Yu mas lesin gud. Sipos yumi mekem ol save ya i wok blong laef blong yumi, bambae tingting blong yumi i rere blong wok strong blong talemaot Kingdom. —1 Pita 1:13.

2. ?Wanem ol kwestin we yumi mas lukaot ansa blong olgeta long asembli ya?

3. ?From wanem i impoten we yumi stap long tufala dei blong asembli ya, yumi lesin gud, mo yumi mekem ol save i wok long laef blong yumi?

WIK WE I STAT LONG OGIS 27

Singsing 100 Mo Prea

❑ Baebol Stadi Blong Kongregesen:

gt japta 103 (25 minit)

❑ Skul Blong Trenem Yumi Blong Tij:

Baebol riding: Esikel 35-38 (10 minit)

Tingtingbak Long OI Poen Blong Skul Blong Trenem Yumi Blong Tij (20 minit)

❑ Miting Blong Kingdom Wok:

Singsing 69

10 minit: OI mesej. "OI Jenis Long Miting Long Medel Blong Wik." Yu mekem wan tok.

15 minit: Toktok Long Fasin We i Isi Blong Man i Kasem Save. Tok wetem sam kwestin mo ansa, we i stanap long buk ya *Ministry School*, pej 226-229. Yu askem long tu brata no sista blong tufala i kam soemaot olsem wanem blong yusum wan no tu poen long wok blong prij.

10 minit: ?Yumi Lanem Wanem? Tok wetem sam kwestin mo ansa. Askem long narafala blong i ridim Luk 10:1-4, 17. Tokbaot olsem wanem stori ya i save givhan long yumi long wok blong prij.

Singsing 57 Mo Prea

Tingtingbak Long OI Poen Blong Skul Blong Trenem Yumi Blong Tij

Long wik we i stat long Ogis 27, 2012, bambae yumi tingtingbak long ol samting we yumi lanem. Dei we i stap long braket i blong givhan long yu blong lukaot moa save taem yu rerem skul evri wik.

1. ?Vison we Esikel i luk blong ol man Juda we oli lego Jehova, i tijim yumi long wanem bigfala samting? (Esik. 8:15-17) [Julae 2, w07 7/1 pej 9 haf 6; w93 1/15 pej 27-28 haf 7, 12]
2. ?Ol lida blong skul tede oli mekem wanem fasin we i sem mak long ol giaman profet long taem blong Esikel? (Esik. 13: 3, 7) [Julae 9, w99 10/1 pej 13 haf 14, 15]
3. Long profet tok long Esikel 17:22-24, ?"hil we i hae we i hae" we oli go planem sida long hem, i piya blong wanem samting? ?"Top blong wan sida we i sofsof' i piya blong hu? ?Wanem bambae i mekem hem i kam "wan nambawan sida"? [Julae 16, w07 7/1 pej 8 haf 7]

4. ?Ol tok long Esikel 18:2 i min se pikinini i kasem panis from sin blong papa blong hem? [Julae 23, w10 3/1 pej 28 haf 3]
5. ?Stori long Esikel 21:18-22 i soemaot se ol man mo ol rabis enjel oli no save mekem wanem? [Julae 30, w07 7/1 pej 10 haf 4]
6. ?Long Esikel 24:6, 11, 12, ol rosta long sospen i minim wanem? ?Vas 14 i talemaot wanem stamba trutok? [Ogis 6, w07 7/1 pej 10 haf 2]
7. ?Wanem i mekem se 'hea blong ol soldia i kamkamaot evriwan, mo skin blong solda blong olgeta tu i kamkamaot'? (Esik. 29:18) [Ogis 13, w07 8/1 pej 19 haf 1]
8. ?Wanem ol tok long Esikel 28:2, 12-17 we i stret long "king blong Taea" mo long Setan tu? [Ogis 13, w05 10/15 pej 23-24 haf 10-14]
9. ?Wetaem Ijip i bin stap olsem ples nating blong 40 yia, mo from wanem yumi bilif se samting ya i bin hapen? (Esik. 29:8-12) [Ogis 13, w07 8/1 pej 18 haf 5]
10. ?Ol man oli mekem wanem, taem Esikel i talemaot tok blong God long olgeta? ?Ol man tede oli mekem sem mak? (Esik. 33: 31-33) [Ogis 20, w01 7/15 pej 17 haf 9]

OI Jenis Long Miting Long Medel Blong Wik

Stat long wik blong Septemba 3, Baebol Stadi Blong Kongregesen bambae i no moa 25 minit, be hem i 30 minit. Blong statem stadi ya, brata i mas tokbaot las stadi blong wan minit. Miting Blong Kingdom Wok tu bambae i no moa 35 minit, be hem i 30 minit. Bambae i no moa gat wan haf blong ol mesej. Sipos i gat mesej, bambae oli talemaot nomo long stat blong fas haf blong Miting Blong Kingdom Wok. Klosap oltaem, i gat smol mesej nomo we yumi mas talemaot, mo plante taem i no gat nating. I no nid blong yufala i talem ol haf we bambae oli kamaot long miting. Yufala i no mas talemaot program blong miting blong prij, mo program blong klinik Haos Kingdom, mo lav we ol brata mo sista blong narafala ples oli sanem. (km 10/08 pej 1, haf 4) Sipos i gat wan longfala mesej blong talemaot, i gud olgeta we oli gat haf long miting, oli save fastaem se oli mas sotem haf blong olgeta.

WIK WE I STAT LONG SEPTEMBA 3

Singsing 6 Mo Prea

□ Baebol Stadi Blong Kongregesen: gt japta 104 (30 minit)

□ Skul Blong Trenem Yumi Blong Tij:

Baebol riding: Esikel 39-41 (10 minit)

N. 1: Esikel 40:17-31 (no bitim 4 minit)

N. 2: ?Samting We Yumi Luk i Save Lidim
Yumi i Gorong Olsem Wanem?—Jen. 3:2-6
(5 minit)

N. 3: From We Ol Kristin Oli No Joen Long
Wol, ?Oli No Wantem Mekem i Gud Long Ol
Narafala Man?—rs-E pej 276 ¶1; rs-F pej 269
¶2 (5 minit)

□ Miting Blong Kingdom Wok:

Singsing 50

10 minit: Pulum Man Blong i Yusum Tingting Blong Hem—Haf 2. Tok wetem sam kwestin mo ansa we i stanap long buk ya Ministry School, pej 253, haf 3 go kasem en blong pej 254. Yu askem long wan brata no sista blong soemaot olsem wanem blong folem wan no tu tingting we i kamaot long buk ya.

10 minit: Lokol nid.

10 minit: Sam Tingting Blong Seremaot Magasin Long Manis Ogis. Tok wetem sam kwestin mo ansa. Long wan minit, tokbaot sam haf long ol magasin we oli save pulum tingting blong ol man. Biaen, jusum ol fas stori long Wajtaoa, mo askem long ol brata mo sista blong oli talem sam kwestin we i save pulum tingting blong man, mo wanem vas we oli save yusum. Mekem sem mak wetem ol fas haf blong Wekap! Sipos i gat taem, yu save tokbaot wan narafala haf long Wajtaoa no Wekap! Yu askem long tu brata mo sista blong soemaot olsem wanem blong seremaot tufala magasin ya.

Singsing 34 Mo Prea

Advae

■ Ogis: Eniwan long ol buklet ya we i gat 32 pej blong hem: ?Wanem Bambae i Hapen Long Yumi Taem Yumi Ded?, Taem Wan We Yu Laekem Hem Tumas i Ded, Speret Blong Ol Dedman?—?Oli Save Halpem Yu No Spolem Yu? ?Oli Rili Stap?, !Yu Save Kam Fren Blong God! Taem yu go luk man bakegen, yu traem statem wan Baebol stadi long buk ya Baebol Tijim. Sipos no, yu save yusum buklet ya Yu Mas Lesin Long God Nao Bambae Yu Laef Olwe.

Olwe. Septemba Mo Oktoba: Wajtaoa mo Wekap! Taem yu go luk man bakegen, yu traem statem wan Baebol stadi long buk ya Baebol Tijim. Sipos no, yu save yusum buklet ya Yu Mas Lesin Long God Nao Bambae Yu Laef Olwe. **Novemba:** Yu save seremaot wan long ol traket ya. ?Yu Yu Wantem Save Trutok? ?Yu Yu Gat Wan Spirit We i No Save Ded Samtaem? ?Olsem Wanem Long Ol Fren Blong Yumi We Oli Ded? !Klosap Nao Fasin Safa Bambae i Finis! Sipos man i wantem save moa, yu save soem-aot long hem olsem wanem blong mekem Baebol stadi long buk ya Baebol Tijim no long buklet ya Yu Mas Lesin Long God Nao Bambae Yu Laef Olwe.

■ Stat long manis Septemba, ol eria elda bambae oli mekem niufala pablik tok ya we nem blong hem “Yumi Wokbaot Wetem God Mo Kasem Blessing Naoia Mo Olwe.”

Ol Fastok



Septemba 1

“Plante man oli bilif long ol merikel. Be i gat sam man we oli talem se merikel i no tru. ?Wanem tingting blong yu? ?Yu yu bilif long ol merikel? [Letelem man i ansa.] Mi wantem ridim wan vas blong Baebol long yu. Vas ya i tokbaot wan merikel we God i promes blong mekem long fuija. Plante man tede oli harem gud from gudfala promes ya blong God. [Ridim wan long ol vas we oli stap long pej 7.] Wajtaoa ya i tokbaot tri tingting we plante man oli gat long saed blong ol merikel. Mo hem i givhan long yumi blong jekem sipos ol tingting ya oli stret no nogat.”

Wekap! Julae-Septemba

“Plante jos tede oli talem se taem man i ded hem i go laef samples, mo yumi save toktok wetem olgeta. ?Be wanem tingting blong God sipos yumi traem toktok wetem man we i ded finis? [Letelem man i ansa mo ridim Dutronome 18:9-13.]” Openem Wekap! ya long pej 14 mo soem long man.

Ol Gudfala Samting Long Ripot Blong Prij

Long Niu Kaledoni, i gat wan niufala namba blong 1,978 Man Blong Prij long manis Eprel 2012. Mo ol man we i kam long Memorial long Eprel 5, namba i go antap long 6,204 man. Long Vanuatu, yumi kasem wan niufala namba blong 517 Man Blong Prij long manis Februari, mo long taem blong Memorial i gat 2,743 man we i kam. Fulnamba blong ol man we i kam long Memorial wetem Wallis mo Futuna we Hed Ofis i lukaot long olgeta, i kasem 9,124 man.